

TEZAUUR LITURGIC
2 OCTOMBRIE

ACATISTUL
SF. CUVIOS
TEODOR II
UŞAKOV
DE LA
SANAKSAR
II



MOSCOVA, 2000



Акафист святому праведному воину Феодору Ушакову

Кондак 1

Избранный флотоводче и славный воине Христов, Православней веры и Церкви ревнителю, стране Российстей и Царскому престолу верный служителю, славных традиций во флоте русском насадителю, во святем крещении Феодором нареченный, молитвами роднаго дяди преподобнаго Феодора Санаксарскаго укрепленный, на изрядное служение державе Российстей в роде Ушаковых Господем благословенный, от всяких нас бед свободи:

Радуйся, святой праведный отче наш Феодоре, избранный флотоводче и славный воине Христов.

Икос 1

Мира горняго и дольняго Творец избра ты изначала: великим флотоводцем страны Российстей, в чуднем свете и в небесней славе показа ты, да прославиши житием во Христе имя Святыя Троицы: явился бо еси воистину воине с небес: престола Царскаго и страны Российстей в защищение, черноморскаго флота

русского в боевое прославление, православному воинству в духовное окормление. Мы же, зряще прехвальныя труды твоя, с благоговением и радостию глаголем ти сицевая:

Радуйся, Духа Истины и Христова благочестия носителю;

Радуйся, славнаго пред Богом служения флота русского ревнителю.

Радуйся, братских отношений и любви к стране Российстей во флоте насадителю;

Радуйся, русского воинства в христианстем благочестии утвердителю.

Радуйся, преподобным и богоносным отцем нашим Феодором Санаксарским в подвизех укрепленный;

Радуйся, в морских сражениях Господем прославленный.

Радуйся, талантом флотоводца врагов отечества уязвивый;

Радуйся, любовью ко Господу благодарность и веру непостыдную явивый.

Радуйся, святой праведный отче наш Феодоре, избранный флотоводче и славный воине Христов.

Кондак 2

Видящи Господь чистоту и простоту сердца твоего, святой флотоводче наш Феодоре, избранный во оружие Свое, да уничижит лукавыя

восстания на Царство Русское Богом избранное, славу Дому Пресвятей Богородицы - стране Российстей служением стяжая, от турецкаго и французскаго нашествий ограждая. Мы же, верою дерзающе о Господе, со умилением вопием к Богу: Аллилуиа.

Икос 2

Силою и острою твоего ума в помощи Святаго Духа многую мудрость постигл еси и в книжном учении преуспел еси, добраго флотоводца житием и подвигами миру открывая, храбрость и безстрашие в сражениях морских и несомненное упование на помощь Божию утверждая. Сего ради прими от нас сердечныя похвалы сия:

Радуйся, рода Ушаковых чадо богоизбранное;

Радуйся, благочестивых родителей твоих

Феодора и Параскевы отрасль пречестная.

Радуйся, от юности в морской кадетский корпус в кадеты определенный;

Радуйся, от осквернения мира дольняго благочестивым отрочеством твоим защищенный.

Радуйся, офицерский чин по окончании морскаго корпуса получивый;

Радуйся, к присяге всемилостивейшей

Государыне Императрице Екатерине Алексеевне приведый.

Радуйся, в служении Императрице на Бога
Всемогущаго уповаый;
Радуйся, ревностным служением твоим
Отечеству славу пред Богом стяжавый.
Радуйся, святой праведный отче наш Феодоре,
избранный флотоводче и славный воине
Христов.

Кондак 3

Сила вышняго служение твое воистину хранила
еси, святой отче наш Феодоре, в Азовскую
флотилию направлен был еси и в граде Херсоне
много потрудился еси, царское решение о
возвращении стране Российстей земель у моря
Чернаго воплощаяй, умножением кораблей
флота русскаго дни славных сражений
приближаяй, тяготы нашествия чумы
преодолеваяй. Мы же видящи попечения Божия
сия, со слезами радости вопием Ему: Аллилуиа.

Икос 3

Благоволил еси Господь явити Своего
свещильника миру, воплощением присяги верно
и нелицемерно служить и во всем повиноватися
не щадя живота своего до последней капли
крови житие твое явил еси, Божественныя
дарования в служении являяй, в решениях
сострадательную, жертвенную любовь к
ближнему утверждаяй, орден Святаго

Владимира и новое назначение капитаном на корабль «Святой Павел» во славу Божию принимая. Мы же, дивящиеся таковому о тебе Божию промышлению, со умилением вопием ти:

Радуйся, святостию жития во Христе зримо Русь святую явивый;

Радуйся, упованием на благодать и милость Божию веру Православную во флоте утвердивый.

Радуйся, южных рубежей страны Российстей укрепление;

Радуйся, града-крепости Севастополя утверждение.

Радуйся, в турецкой войне страны Российстей ограждение;

Радуйся, искусства флотоводца в черноморских баталиях воплощение.

Радуйся, духовную победу у острова Фидониси для флота русскаго стяжавый;

Радуйся, храбростию, неустрашимостию, воинским умением противника поправый.

Радуйся, святой праведный отче наш Феодоре, избранный флотоводче и славный воине Христов.

Кондак 4

Дитя Богодарованное - значило имя твое, отче наш Феодоре, начальствуяй над авангардом, на

деле всей эскадрой командовал еси, победу флоту русскому утверждая и оттоманскую Порту турецкую в ужас и страх чрезвычайный повергая, и тако благодатию Божиею восходя от силы в силу, от сражения к сражению, чудный образ воина Христова и великаго флотоводца явил еси, воспевая Богу: Аллилуиа.

Икос 4

Кротостию врачующее духовныя недуги, неустрашимостию пред неприятелем русский флот прославил еси, Князь Потемкин Императрице сообщал еси: благодаря Богу, и флот и флотилия наши сильнее уже турецких. И мы вси с верою и любовью восхваляем тя, отче наш Феодоре, и вопием ти сице:

Радуйся, всего себе в жертву служения богохранимей стране нашей Российстей принесый;

Радуйся, на высоту самоотверженной пламенной любви восшедый.

Радуйся, воине Христов добропобедный;

Радуйся, Живаго Бога рабе благий и верный.

Радуйся, спокойствием духа флот в победе утвердивый;

Радуйся, служением благодарственных молебствий пред святыми образами Спасителя, Божией Матери и святых угодников души православных воинов сплотивый.

Радуйся, славу русскому оружию стяжавый;
Радуйся, славу воинства Христова страны
Российстей миру показавый.

Радуйся, святой праведный отче наш Феодоре,
избранный флотоводче и славный воине
Христов.

Кондак 5

Божественнаго Духа преисполненный, святой
праведный отче наш Феодоре, на флагманском
корабле «Рождество Христово» в бою у острова
Тендра турецкую эскадру в бегство обратил еси,
неприятеля без озлобления милостиво повергаяй
и Господа за помощь прославляяй. Мы же,
верою узревши путь несения креста, путь
победный, путь Христа, с радостью вопием
Богу: Аллилуиа.

Икос 5

Исполньше волю Божию, отче наш Феодоре,
всею мощию флота русскаго турецкие военные
суда крушил еси: люди неприятеля, выбежав
наверх, на бак и на борта, поднимая руки
кверху, кричали и просили пощады и спасения
своего. Темже мы вси, таковому твоему дару
дивящесе, вопием ти:

Радуйся, предстателю о нас пред Господем
добропобедный;

Радуйся, Российскаго Дома Пречистей

Богородицы воине верный.

Радуйся, промысел Божий в победах флота
русского узревший;

Радуйся, в благодарственной молитве ум твой к
небу воздевший.

Радуйся, в церкви Святителя Николая
Чудотворца - покровителя земли русския,
молебен всем флотом отслуживый;

Радуйся, из пятидесяти одной пушки корабля
«Рождество Христово» палить во славу Божию
приказавый.

Радуйся, флотоводче славный и прозорливый;

Радуйся, орден святого Александра Невского за
победы русского флота получивый.

Радуйся, святой праведный отче наш Феодоре,
избранный флотоводче и славный воине
Христов.

Кондак 6

Проповедуют святые обители и православные
храмы подвизи и труды твоя, богоносне
угоднике Христов, в граде Севастополе
соборную церковь святителя Николая воссоздал
еси, собственные средства на строительство
порта и города в затруднениях щедро выдавая
и высокую приверженность вере отцев миру
открывая. Духом Божиим многая и преславная
совершил еси, подвигая верных воспевати
благих подателю Богу: Аллилуиа.

Икос 6

Воссиял еси светом истины земли Российстей, непорочно бо каждодневно в граде Севастополе заутреню, обедню и вечерню посещал еси, рассмотрение военно-судных дел отвергая и исполненный любви и кротости отцев больших семейств милостиво прощаяй. Сему Божию благоволению дивящися, воспеваем ти сице: Радуйся, житию по Божией правде научаеши; Радуйся, Духом Божиим к покаянию воинов склоняеши.

Радуйся, истину: в собственных деньгах должно быти щедрым, а в казенных скупым, утверждавый;

Радуйся, ревностным устройством града Севастополя всеобщую любовь стяжавый.

Радуйся, в богодарованной славе пред Императрицей Екатериной II прямодушно и скромно представый;

Радуйся, дивный золотой складень - крест с мощами святых угодников от нея принявый.

Радуйся, благочестия христианскаго попечителю;

Радуйся, единения русскаго народа хранителю.

Радуйся, святой праведный отче наш Феодоре, избранный флотоводче и славный воине Христов.

Кондак 7

Хотяй веру Православную в стране Российстей в чистоте хранить, святыи отче наш, против восставшей на Бога страны французстей русское оружие обратил еси, духовных растлителей держав уничижаяй. Темже, сиянием подвигов твоих просвещены, тебе усердно величаем и прославльшему тя Христу вопием: Аллилуиа.

Икос 7

Новое чудо видим и боголепное, отче наш Феодоре, егда Высочайший респринт Императора Павла I на сражение с эскадрой французстей получил еси со словами: мы надеемся на ваше мужество, храбрость и искусство и честь нашего флага соблюдена будет. Мы же, сии плоды боговедения обретаяй, со слезами благодарности вопием Богу:

Радуйся, правды Божия учения блюстителю;

Радуйся, вероломных хищников духовных истребителю.

Радуйся, высочайшим повелением тотчас следовати в Константинополь град благословенный;

Радуйся, кротостию, порядком и дисциплиною матросов русских инородцев покоривый.

Радуйся, Промыслом Божиим с турецким флотом против французскаго вольнодумия и

революции объединенный;

Радуйся, мудрый флотоводче, благодетелем освобожденных народов и милосердным христианином нареченный.

Радуйся, любовь твою к родной земле в молитвенных воздыханиях запечатлевый;

Радуйся, Духом Святым от всякия скверны паче снега убеленный.

Радуйся, святой праведный отче наш Феодоре, избранный флотоводче и славный воине Христов.

Кондак 8

Божию милость видим на тебе, святой праведный отче наш Феодоре, ходатаем спасения народа русскаго пред Богом был еси, против мощных бастионов острова Корфу выступаяй, к святым мощам великаго святителя Спиридона Тримифутскаго, скрытым в недрах острова, внимаяй и помощь святаго угодника пред Богом обретаяй. Сего ради с ним купно и мы благоговейно вопием Богу: Аллилуиа.

Икос 8

Весь всем христианам заступниче явился еси, чадолюбивый отче наш Феодоре, взор твой Божественною благодатию, яко у ангела Господня сиял еси, к жителям островов

содействовати низвержению безбожников-французов воззвал еси, православных греков прибытием эскадры русской окрыляяй. Мы же истинность слов твоих зря, с радостию вопием ти:

Радуйся, после победы в церкви святого Чудотворца Дионисия хвалу Богу воздавый;
Радуйся, звоном колоколов и ружейной пальбой славу Андреевскаго флага вдали от отечества твоего утверждавый.

Радуйся, славу государю Павлу Петровичу среди православных греков стяжавый;

Радуйся, славу восстановителя Православней веры на острове Занте обретый.

Радуйся, целовати на солдатских сумках герб Российский людей освобожденных славою твоею склонивый;

Радуйся, радость слез греков-стариков, радость крестных знамений братии во Христе вкусивый.

Радуйся, русскими флагами, архиереем и духовенством на взятом острове Кефалони радостно встреченный;

Радуйся, колокольным звоном и пальбою из пушек во славу православнаго единения превознесенный.

Радуйся, святой праведный отче наш Феодоре,

избранный флотоводче и славный воине Христов.

Кондак 9

Всякое естество ангельское удивися промыслу милосердия Твоего, Боже наш, яко даровал еси нам толико славнаго флотоводца и о стране Российстей попечителя, всю поднебесную славою побед православнаго воинства наполняяй, Русь Святую благодатию Святаго Духа от врагов укрываяй. Мы же, обряще радости сия пред иконами святыми со слезами умиленно вопием Богу: Аллилуиа.

Икос 9

Всего себе Господу Богу и служению Царскому прес-толу и отечеству предал еси, отче наш Феодоре, в скорбех недостатка продовольствия и аммуниции пребываяй, к штурму крепости Корфу флот сугубо готовил еси: день и ночь матросов обучаяй, поступати с храбростию, благо-разумием и законно благословляяй, на помощь Всевыш-няго уповаяй. Мы же истинность надежд твоих, святой угодниче, зря, с радостию вопием ти:

Радуйся, славу мира сего, яко суетную, отвращавый;

Радуйся, мзду многу на небесех стяжавый.

Радуйся, непрерывной страшной стрельбою и

громом орудий решительный штурм Корфу начавый;

Радуйся, приказ о высадке десанта русского с флагманского корабля «Святой Павел» отдавый.

Радуйся, человеколюбивый флотоводче, пленных французов от кровожадности сребролюбивых турков-союзников ограждавый;

Радуйся, великодушием твоим победу святую полнотою увенчавый.

Радуйся, падение крепости Корфу с торжеством русского духа православного связавый;

Радуйся, преданность твоему Отечеству пред Богом и всем миром подобно славному Суворову - полководцу русскому, показавый.

Радуйся, святой праведный отче наш Феодоре, избранный флотоводче и славный воине Христов.

Кондак 10

Спасти хотяй всем человеком положи тя Господь в образ славнаго безкорыстнаго защитителя страны Российстей, в образ жертвенней Христовой любви во всяком твоём начинании, в образ благодатных побед в молитвен нем на Бога упования. Мы же возлюбивши Господеви за таковую милость Его к нам, выну зовем Ему: Аллилуиа.

Икос 10

Стена еси всем помощи просящим,
восторженным народом острова Корфу встречен
был еси и великое церковное торжество с
выносом мощей угодника Божия преподобнаго
Спиридона Тримифутскаго сотворил еси,
гробницу с первыми чинами сопровождаяй
вокруг строений крепости и пушечней пальбою
ликование народа Божия запечатлеваяй. Мы же,
дивящиеся таковому избранию Вседержителя,
вопием ти:

Радуйся, звание адмирала флота русскаго за
победу при Корфу от Императора Павла I
получивый;

Радуйся, мир, тишину и спокойствие на
завоеванных островах учредивый.

Радуйся, дух вендетты уничиживый;

Радуйся, жителей завоеванных островов, не
поступати христианскими убеждениями
умиривый.

Радуйся, верный Царю и Отечеству служителю;

Радуйся, зловредных и безбожных французов
обличителю.

Радуйся, в любостыжании и сребролюбии пред
Императором лживо обвиненный;

Радуйся, словами: и один рубль, от Монаршей
руки полученный, почитаю превосходящей
всякой драгоценности неправедно нажитой,

благодатно очищенный.

Радуйся, святой праведный отче наш Феодоре, избранный флотоводче и славный воине Христов.

Кондак 11

Пение благоуханное непрестанно Пресвятей Троице и Пречистой Богородице возносяще, скорби от болезней и голодной смерти преодолеваяй, служение Царю и русскому Отечеству наградою называяй, всеобщую любовь матросов русских в словах: батюшка наш Феодор Феодорович, милость пред Господем обрел еси, в молитвах Бога прославляяй и поя Ему: Аллилуиа.

Икос 11

Богоизбранный воине Христов, святой праведный отче наш Феодоре, в помощь славному Суворову к земле Итальянстей твой флот направил еси, козни завистников преодолеваяй, твоим спокойным упованием на Бога и победою при Корфу врага раздражаяй. Мы же, собственные немощи духовныя зря, с надеждою вопием Богу:

Радуйся, победами твоими Истиннаго Бога прославивый;

Радуйся, верою и правдою служити Царю и Отечеству флот русский наставивый.

Радуйся, по взятии града Бари благодарственное молебствие у мощей святителя Николая Чудотворца Богу служивый;
Радуйся, в русском воинстве источник побед и славы русского оружия утвердивый.
Радуйся, две трети королевства за двадцать дней изумленной Италии возвративый;
Радуйся, кротостию, дисциплиною, храбростию на вечные времена боготворити русския войска заставивый.
Радуйся, золотой с алмазами меч со словами: остров Корфу - адмиралу Ушакову, принявый;
Радуйся, золотой медали: Федору Ушакову российских морских сил главному начальнику, мужественному освободителю Италии, удостоенный.
Радуйся, святой праведный отче наш Феодоре, избранный флотоводче и славный воине Христов.

Кондак 12

Благодать и велие твое дерзновение пред Богом введуще, святой отче Феодоре, в смирении и покорности воле Божией прошением об отставке убийство Императора Павла I сопровождал еси и вблизи обители Санаксарстей поселился еси, в молитве дяди - преподобному и богоносному отцу нашему Феодору Санаксарскому

подражаяй, да поем тобою благодееющему нам Богу: Аллилуиа.

Икос 12

Поюще твое прославление, ублажаем тя, отче наш Феодоре, яко многомоцна молитвенника о народе земли русския, молимся: молися преславный флотоводче и предивный воине Христов, да оградит Господь страну Российскую от безчестия и уныния, от служения златому тельцу и ложным богам преклонения, да возглашаем ти сице:

Радуйся, сокровище страны Российстей;

Радуйся, образе воина Христова пречистый.

Радуйся, правды Божия учителю дерзновенный;

Радуйся, заповеданней любви Христовой ревнителю верный.

Радуйся, молитвенниче о стране Российстей теплый;

Радуйся, славный флотоводче, пример служения и образ воинам добропобедный.

Радуйся, в день Покрова Пресвятей Богородицы в последний раз Святыя Тайны Христовы принявый;

Радуйся, в обители Санаксарстей рядом с родным преподобным старцем навеки упокоенный.

Радуйся, святой праведный отче наш Феодоре,

избранный флотоводче и славный воине Христов.

Кондак 13

О предивный флотоводче, великий славный воине Христов, святой праведный отче наш Феодоре, взором жаждущего правды тебе ищем и на тя, защитниче земли русския уповаем, пред Христом Спасителем славные дела и победы твои с умилением воспеваем и на предстательство твое пред Господем всем сердцем уповаем. Молися о всех нас, святче Божий, да оживит Господь страну Российскую в духовное возстание, да испытаем радость в победе за истину на Бога упования, да обрящем милосердие Господне в день судный, в ликовании поюще Пресвятей Троице в духовно преобразившейся стране Российстей: Аллилуиа. Сей Кондак читается трижды, а затем Икос 1 и Кондак 1.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**